

Սորհուրդը և Հ. Ազգ. Սորհուրդը կորցնում էին իրենց ամենաձեռնհաս ու դործոն անդամներից մէկին:

Մարտեան դէպքերի առթիւ Հ. Ազգ. Սորհուրդը հրատարակեց մի ընդարձակ հաղորդագրութիւն, որի մէջ տալիս էր դէպքերի մանրամասն նկարագրութիւնը:

Այս հաղորդագրութիւնից երևում էր, որ Ազգ. Սորհուրդը ազատեց բազմաթիւ մասնետականներ, որոնց պահեց մի քանի օր, կերակրեց և ապահով վերադարձրեց իրենց տները: Այդ մասնետականները գետեղած էին հետեւեալ վայրերում. Մայրիւնանների թատրոնում՝ 3500 հոգի, որոնցից 70 պարսկահապատակներ. Ռեկորդ թատրոնում՝ 2690, Ռամգէյ թատրոնում՝ 579, Յֆիմովի կրկէս-թատրոնում՝ 800, Վոկալնայա և Տելեֆոննայա փողոցի անկիւնի տանը՝ 58, Բուզաղեանի դպրոցի շէնքում՝ 218, Միրոնովի բաղնիքում՝ 306, Մոսկովեան բաղնիքում՝ 263, ութերորդ միլիցիատանը՝ 117, Եօթներորդ միլիցիատանը՝ 72, Մալայա-Մորսկայա փողոցի № 15 տանը՝ 95, Երրորդ Գիմնադիայում՝ 201, Հայոց Կուլտուրական Միութեան տանը՝ 18, քաղաքային սայլանոցում՝ 2530, իններորդ միլիցիատանը՝ 200, Հայկաւանում՝ 79 — ընդամենը 11,726 հոգի: Մօտ 1500 մարդ էլ ապաստանել էր հայերի մասնաւոր տներում: Առհասարակ, Բազուի հայութիւնը ցոյց տւեց արտակարգ հոգատարութիւն: Նա, կարելի է ասել, փրկեց Բազուի թուրքերի ամբողջ մտաւորականութիւնը: Եւ... վարձատրութիւնը ստացաւ վեց ամիս յետոյ, սեպտեմբերեան օրերին:

Մուսաւաթի ողնաշարը ջարդելուց յետոյ, Բանւ. Սորհուրդը ձեռք առաւ և դաւառի թիւրք-մուսաւաթական դաւերի սանձահարման դործը: Մարտ 27-ին Շամսիի ուղարկեց մի զօրամաս Թադ. Ամիրեանի գլխաւորութեամբ, որի երեւալը հիմնովին փոխեց դրութիւնը Շամսիիում: Ամիրեանը զպէց քաղաքի թուրքերին. կռւի ժամանակ հիմքից այրեց թրքական թաղը: Հայ դաղթականները վերադարձան իրենց տեղերը, իսկ թուրքերը հեռացան: Սաղաղեց նաև Գէոքչայի դաւառը, որտեղի թրքութիւնը նոյնպէս հեռացաւ:

Մարտի դէպքերը վրա, Բազուն դրաւելու փորձեր արին և լեռնականները, որոնք փետրուարից սկսած՝ կտրել էին Բազու-Պետրովսկ երկաթուղին և առատ գէնք ու ռազմամթերք խլելով վերադարձող ռուս զօրամասերից՝ անվերջ յարձակումներ էին գործում իրենց շրջապատի վրա: Մարտ 21-ին նրանց զինւած խմբերը հասան մինչև Բալաջար, իսկ նրանց պետ իմամ Գոճինսկին Պետրովսկից տւած հեռագրներով սպառնում էր պատժել հայերին: Ապրիլի սկզբներին, սակայն, հայկական զօրամասերը ջարդեցին ու քշեցին նրանց խմբերը: Այս յաջողութիւնը խիստ բարձրացրեց հայ զինուորների մարտական ոգին:

Ազգային Սորհուրդը որոշեց համախմբել ու կազմակերպել բոլոր հայ զօրամասերը, ենթարկել նրանց մէկ հրամանատարութեան և այդ որոշումը իրագործելու համար յարարեցրութեան մէջ մտաւ Զինւ.-Յեղափ. Կոմիտէի հետ, սակայն, մարտի յաջողութիւններից արբեցած՝ բուլչեիկներն